

大寶積經

第四十二

七十七
鳥二

47550



元祿九年丙子二月日重脩

皇圖聖圖 帝階級呂

佛日增輝 懺輪帶轉

山城州天安寺法金剛院置



大寶積經卷第四十二

大唐三藏法師玄奘奉 詔譯

菩薩藏會第十二之八

尸波羅蜜品第七之一



尔時佛告舍利子云何菩薩摩訶薩尸羅波羅蜜多菩薩摩訶薩為阿耨多羅三藐三菩

提依此勤修行菩薩行舍利子菩薩摩訶薩行尸羅波羅蜜多故有三種妙行何等為三
一者身妙行二者語妙行三者意妙行舍利子何等名為身妙行語妙行意妙行耶舍利子所謂菩薩摩訶薩遠離殺生離不與取離欲邪行是名身妙行舍利子菩薩摩訶薩遠



離妄語遠離間語遠離惡語遠離綺語是名
語妙行舍利子菩薩摩訶薩於諸貪著瞋恚
邪見皆無所有是名意妙行菩薩摩訶薩具
足如是三妙行故是名尸羅波羅蜜多復次
舍利子菩薩摩訶薩行尸羅波羅蜜多時如
是思惟云何身妙行語妙行意妙行耶舍利
子菩薩摩訶薩如是思惟若身不造殺生不
與取欲邪行業者是名身妙行菩薩摩訶薩
如是思惟若語不造妄語離間惡綺語業
者是名語妙行菩薩摩訶薩如是思惟若意
不造貪著瞋恚邪見業者是名意妙行由具
如是正思惟故是名菩薩摩訶薩行尸羅波

羅蜜多復次舍利子如是菩薩摩訶薩行尸
羅波羅蜜多時作如是念若業不由身語意
造此業為可建立不菩薩摩訶薩如是如理
觀察若業不由身語意造此業不可建立若
青若黃若赤若白若紅若頗胝色此業又非
眼所識非耳所識非鼻舌身意所識何以故
舍利子由於此業非能生非所生非已生不
可執受都無有能了別此業菩薩摩訶薩如
是了知此尸羅性不可為作若不可為作則
不可建立若不可建立我等於中不應執著
如是菩薩摩訶薩由觀解力故不見妙行及
以尸羅亦不見有具尸羅者不見尸羅所迴

向觀菩薩摩訶薩如是觀已畢竟不起妄有
身見何以故舍利子有身見故可有觀察此
是持戒此是犯戒如是觀已於彼守護及以
儀則若行若境皆悉具足正知而行正知故
名持戒者菩薩摩訶薩不取著自不取著他
而行於行不毀譽尸羅而行於行若取
著我即取尸羅若不著我不取尸羅若知尸
羅是不可得即不毀犯所有律儀若於律儀無
毀犯者則不名爲毀犯尸羅又亦不名執取尸
羅舍利子以何因緣於是尸羅而不執取謂一
切法知他相故若由他相則無有我若我是無
何所執取尔時世尊欲重宣此義而說頌曰

若有身語意清淨
常住清淨諸禁戒
賢聖聰慧諸菩薩
不由身語及意作
若非造作非所生
由無有形有顯故
尸羅無為亦無作
非鼻非舌亦非身
若非六根之所識
如是觀察尸羅淨
不恃持戒生憍慢
善護尸羅無戒想

行時恒修一切淨
是名善護持十業道
能善護持十業道
如是智者說尸羅
非執無形亦無顯
未曾可得而建立
非眼能見非耳聞
又非心意所能識
則無有能施設者
曾未依執住尸羅
不計我想護尸羅
具足尸羅行覺行

妄有身見已除遣
無有能見無彼處
善入無護法理趣
妙善正知能守護
無我想者無尸羅
我說究竟常無畏
說無我者不取戒
說無我者不希戒
不毀尸羅不執戒
無所依我及戒想
如是尸羅無所畏
若能不執有諸法

見與見者曾無有
不觀持戒犯戒者
威儀具足不思議
除斯更無具戒者
無所依我能依戒
不執身我與尸羅
說無我者戒無依
說無我者戒無心
亦不計我起尸羅
甚深慧行善提行
此人常不犯尸羅
如是尸羅聖所讚

若住我見諸愚夫
彼受護戒果終已
若有斷盡諸我見
是真持戒無見故
若能如是知戒行
尚不觀我及三有

計我具戒能持戒
於三惡趣常纏縛
彼無有我及我所
無復怖畏墮諸惡
無有能見犯尸羅
況見持戒及犯戒

復次舍利子如是行尸羅波羅蜜多菩薩摩
訶薩行菩薩行清淨戒時具有十種極重深
心何等爲十一者發起深心信奉諸行二者
發起深心勤加精進三者猛勵樂欲諸佛正
法四者廣具崇重一切諸業五者深懷信奉
一切果報六者於諸賢聖深發敬心七者於

諸尊重卑波陀耶阿遮利耶清淨侍奉八者
於賢聖所興起供養九者於諸正法勵意求
請十者求菩提時不顧身命舍利子如是行
尸羅菩薩摩訶薩有如是等十深心法菩薩
摩訶薩安任深心修諸善法何等名為諸善
法耶所謂三種妙行身妙行語妙行心妙行
若諸菩薩摩訶薩安任如是三種妙行為欲
勤求大菩薩藏微妙法門何以故以諸菩薩
摩訶薩依此法門能趣阿耨多羅三藐三菩
提故尔時世尊欲重宣此義而說頌曰
由身而發起 佛所讚善業 為得聞法故
供養諸賢聖 於法及聖人 猛勵起恭敬

為利諸衆生 慈心不嫉妬 當演智人言

無談不愛語 所說欣樂相 發語無麁鄙

意業常居善 曾無樂諸惡 恒觀察法性

恭敬住慈心 於如來聖教 敬心而聽法

於法恭敬已 速悟大菩提

舍利子諸菩薩摩訶薩行尸羅波羅蜜多時

安住如是十最勝法勤求菩薩藏法門故於

諸賢聖一切師長勤加恭敬奉事供養乃至

施及貯水之器復次舍利子菩薩摩訶薩行

尸羅波羅蜜多時應具如是十種發心何等

為十舍利子菩薩摩訶薩觀是病身諸界毒

地恒相違害多諸苦惱多諸過患癩狂癰癩

疽癰惡癘風熱痰飲衆病所聚又是身者如
病如瘡如被箭刺如暴水流如魁膾者搖動
不息速起速滅又觀是身虛僞羸弱老朽疾
壞暫時停住難可愛樂狀若塚間介時菩薩
復作是念我此病身雖經此苦曾不值遇如
是福田我今得值又復善感如此之身我當
依諸福田長養慧命捨不堅身獲於堅身為
欲勤求大菩薩藏微妙法門故於彼賢聖邸
波陀耶阿遮利耶諸尊師所奉事供養乃至
施及貯水之器舍利子是名菩薩摩訶薩第
一發心介時世尊欲重宣此義而說頌曰
諸界暴毒地 展轉相依附 隨一興增動

生則致大患

所謂眼耳鼻

舌齒內腹藏

如是諸患惱

皆悉依身生

癰癩與癩狂

疽癬大疾癘

諸餘種種病

無不依身生

是身猶如病

如癰如中箭

如是毒害身

速壞暫時任

如趣彼塚間

悉是無常相

搖鼓爛壞身

眾病速生滅

我當修佛身

所因賢善業

以彼朽爛壞

衰老無常身

轉成於佛身

及難忘法身

以如是朽壞

遍常流穢身

當證得如是

無流無穢身

若人怖寒熱

遮障堅防護

畢為老病死

諸苦同煎害

若人於寒熱

身徧能堪忍

莊嚴丈夫業

速成無上身

我當勤供養

世所同尊重。以不堅實身。當貿彼堅實。
舍利子。諸菩薩摩訶薩。行尸羅波羅蜜多時。
發如是等第一心。已爲欲勤求大菩薩藏。微
妙法門。故於說法師。倍復奉事。勤加供養。乃
至施及貯水之器。復次舍利子。菩薩摩訶薩。
行尸羅波羅蜜多時。發如是念身。是不堅性。
非牢固。當假覆蔽。洗濯按摩。而復終歸破壞。
離散摩滅之法。舍利子。譬如陶師。埏埴瓦器。
若大若小。終歸破壞。如是舍利子。身爲不堅。
終歸破壞。如彼瓦器。又舍利子。譬如樹枝。所
依花葉果實。終歸墮落。如是舍利子。身爲不
堅。必墮落法。勢非久住。如熟果等。又舍利子。

譬如草端霜露凝滴日光照灼必不停住如是舍利子身為不堅如霜露滴亦不久住又舍利子譬如大海及以眾流有泡沫聚一切不堅其性虛弱不可敦觸如是舍利子是身不堅猶如沫聚本性虛弱亦復如是又舍利子如天大雨流泡亂浮徐起徐滅如是舍利子身為不堅如水上泡其性輕薄亦復如是舍利子菩薩摩訶薩深自觀身見是事已復作是念我於長夜感得如是不堅固身曾未值遇如是福田我今得值又復善感如此之身我當依諸福田長養慧命以不堅身貿易堅身為欲勤求大菩薩藏微妙法門故於說

法師奉事供養乃至施及貯水之器舍利子
是名菩薩摩訶薩第二發心亦時世尊欲重
宣此義而說頌曰

如世諸陶師

埏埴坏成器

皆當歸破壞

衆生命如是

譬如依樹枝

所有葉花果
如草端坐露

皆歸墮落法

人命亦如是

人命亦如是

日光之所照

須臾不暫停

如是不堅身

如河海聚沫

其性本虛弱

生起水浮泡

虛浮亦如是

譬如天大雨

不堅起堅想

剎那速消滅

不堅身亦尔

不能證堅實

於堅想不堅

邪分別所行

正分別所行

於堅起堅智

不堅知不堅

不能證堅實

能證於堅實 為修堅實想 微施於水器

故以不堅身 貿易彼堅實

舍利子諸菩薩摩訶薩行尸羅波羅蜜多時
發如是第二心已為欲勤求大菩薩藏微妙
法門故於說法師倍復奉事勤加供養乃至
施及貯水之器復次舍利子菩薩摩訶薩行
尸羅波羅蜜多時發如是心我於長夜遠離
善友諸惡知識之所拘執其性懈怠不修精
進下劣愚鈍多邪惡見妄起如是癡不善心
無施無受亦無福祀無有善作及以惡作無
作增長諸業果報菩薩摩訶薩作如是念我
為貪欲之所惑亂長夜流轉造作種種惡不

善業由此不善惡業力故感得穢惡自體報
果生鬼國中乏資生具無有一切最勝福田
又我曾生餓鬼趣中恒食炭火經無量歲又
於衆多百千歲中不聞水名況復身觸又作
是念而我今者值遇如是最勝福田又感喜
身果報成就多資生具我當依諸福田廣修
善業不顧身命承事師長鄔波柁耶阿遮利
耶爲欲勤求大菩薩藏微妙法門故於說法
師奉事供養乃至施及貯水之器舍利子是
名菩薩摩訶薩第三發心爾時世尊欲重宣
此義而說頌曰

如是善知識 常親近敬奉 便成如是性

故應數親近

為惡友拘執

遠離賢善友

懈怠鄙精進

慳嫉多諂曲

無施等邪見

非撥於一切

我曾生鬼趣

受弊惡形質

於生死長夜

可畏大闇中

飢渴徧煎惱

多受於衆苦

於多百千歲

曾不聞水名

不見淨福田

不得無是難

我今感於此

難得之世間

又奉值賢明

獲無難具足

復離惡知識

得逢賢善友

誓不顧身命

當為證菩提

以清淨善心

恭侍尊師長

亦當供諸佛

為證菩提故

舍利子諸菩薩摩訶薩行尸羅波羅蜜多時

發如是第三心已為欲勤求大菩薩藏微妙

法門故於說法師倍復奉敬勤加供養乃至
施及飲水之器復次舍利子菩薩摩訶薩行
尸羅波羅密多時發如是心我於長夜遠離
善友惡友拘執懈怠懶惰下劣精進無智愚
癡由如是見由如是忍謂有衆生受諸苦惱
如是悲泣號哭之時復以身手妄加垂打重
種惱害以此因緣便生如是無量惡見謂無
惡業無惡業報復由瞋恚覆蔽心故造作種
種惡不善業以是業報得穢惡身生畜生中
乏資生具無有一切最勝福田菩薩摩訶薩
作如是念我於彼趣或作駝駝及牛驢等食
噉芻草加諸杖捶訶喝恐怖情所不樂強令

馱負復作是念我於往昔雖經此苦曾不值
遇如是福田我今得值又復善感如此之身
我當依諸福田不顧身命以不堅身貿易堅
身供事師長為欲勤求大菩薩藏微妙法門
故於說法師奉事供養乃至施及貯水之器
舍利子是名菩薩摩訶薩第四發心今時世
尊欲重宣此義而說頌曰
我於彼長夜 未知登聖道 墮在駝牛驢
多受諸勤苦 我今得人身 當修賢善業
由此證菩提 是為聰慧相 我當起恭敬
建立諸佛法 奉覲說法師 為得菩提故
過去難思劫 循環生死輪 往來非義利

無福田養命
隨彼教誨轉
閉縛驅打罵
遂墮於惡處
不親善友故
既蒙生善處
欣遇浮木孔
無諂事善友
發我慧心者
供養兩足尊
我當承敬奉
無邊金色日

遠離善知識
數墮諸惡處
由斯惡業故
作駝駝牛驢
我今得難得
又得值無難
身語善防護
長養慧命身
能宣說勝妙
諸塗香末香
現在十方佛
當修行供養

常親近惡友
我曾於傍生
受不愛苦果
負重猶加杖
人身及善友
如龜久處海
精進心強盛
若有尊重師
菩提道大師
種種衣花鬘
勝義常開示
遍遊諸佛土

廣供調御師

為淨菩提道

當昇大覺座

舍利子諸菩薩摩訶薩行尸羅波羅蜜多時
發如是等第四心已為欲勤求大菩薩藏微
妙法門故於說法師倍增奉事勤加供養乃
至施及貯水之器復次舍利子菩薩摩訶薩
行尸羅波羅蜜多時發如是心我咎長夜遠
離善友惡友拘執懈怠懶惰下劣精進無智
愚癡由興惡見如是信忍如是欲樂妄作是
念若以一切有情一切衆生或取身肉同煮
一鑊或取其身同剉為膾雖作如是不名非
福又興惡見不由此故而招於惡不由此故
而生於惡由妄見故又於大海此岸所有衆

生一切布施悉令充足雖作如是不名非罪
妄生異計不因此故而招於福不因此故而
生於福以妄見故又於大海彼岸所有衆生
一切斬害亦不因此而招於惡又不因此而
生於惡菩薩摩訶薩作如是念我於往昔如
是作已不能了知是罪非罪是福非福習近惡
見愚癡所蔽多造不善諸重惡業由此業報
感得下弊穢惡地獄之身於地獄中或噉鐵丸
或以鋸解受於種種堅鞭苦味純苦無間相
續不已乃至經彼多百千歲尚不聞樂聲何
況身觸介時菩薩復作是念我於往昔雖經此
苦曾不值遇如是福田我今得值又復善感

如是之身我當依諸福田長養慧命以不堅身
賀易堅身不願身命奉事師長為欲勤求大
菩薩藏微妙法門故於說法師奉事供養乃
至施及貯水之器舍利子是名菩薩摩訶薩
第五發心今時世尊欲重宣此義而說頌曰
我曾親惡友 為惡心欺誑 依止眾惡見

徒興造惡業 盡大海此岸 所任諸眾生
施飲食充滿 謂不招生福 盡大海彼岸
所任諸眾生 我悉加殺害 謂非招惡業
如是諸惡見 數習恒親近 墮極苦地獄
壓柞於身首 皆於三惡趣 徒盡百千身
未曾見諸佛 世間之導首 世善友名稱

其聲尚難聞

我幸人中利

當修賢善業

得人身甚難

既得長命難

正法聞難會

諸佛出世難

我已得人身

感茲危脆命

逢值佛興世

預如來正教

我不復當行

身語心惡業

勿令我未來

受不愛苦果

我以清淨心

當修清淨業

由身語及意

行世所難行

我終不違師

衆人所許教

又當興供養

為佛善提故

以我不諂誑

及無幻偽心

當開脩直路

為佛善提道

無畏大菩薩

已發如是心

奉施貯水器

慧方便具足

舍利子諸菩薩摩訶薩行尸

羅波羅蜜多時發如是第五心已為欲勤求

大菩薩藏微妙法門故於說法師倍增奉事
勤加供養乃至施及貯水之器復次舍利子
菩薩摩訶薩行尸羅波羅蜜多時發如是心
我於長夜遠離善友惡友拘執懈怠懶惰下
劣精進無智愚癡由是惡見如是信忍如是
欲樂妄生是念撥無迎逆曲躬跪拜合掌問
訊諸善業報為慢所蔽多造惡業由惡業報
在人趣中感鄙穢形於諸福田未曾長養清
淨慧命菩薩摩訶薩作如是念我憶往昔受
於孤露貧窮下賤繫屬於他奴婢等類又受
耽嗜色欲有情衆生貪著一切諸色欲相任
不平等惡行之數起於種種諸惡邪見毀壞

尸羅毀壞正見安住三種不善根中安住四
種不應行處爲五種蓋之所覆蔭於六尊重
不懷恭敬於七種法未能隨轉八邪性中邪
決定行九惱害事之所惱害十惡業道常登
遊踐地獄因道常面現前於天因道背而不
面遠離一切諸善知識爲諸惡友之所執持
隨逐魔怨自在而行遠諸善法現行一切不
善之法又爲如是橫加鞭杖訶喝恐怖情所
不忍強抑驅役供給於他菩薩摩訶薩又作
是念我咎未值如是福田故受諸惡我今得
值又復善感如是之身我當依諸福田以不
堅身易於堅身又當自養慧命不顧身命奉

事師長為欲勤求大菩薩藏微妙法門故於
說法師奉事供養乃至施及貯水之器舍利
子是名菩薩摩訶薩第六發心尔時世尊欲
重宣此義而說頌曰

親近惡友增憍慢
人趣受生奴婢身

經於無量多劫海
於諸有流長夜轉

我今已得於難得
又得生於妙國土
諸友賢善最勝友
心寶增長諸菩薩
無常無恒虛薄身
又似幻事及戲變

第一勇猛善人身
值佛清淨無諸難
能宣菩薩行道者
多拘胝劫今乃值
辟如水泡并聚沫
如夢所見寤言等

命如雲電不久住
是命將逝剎那間
我憶往昔多時中
曾於過去被欺誑
我今盡捨身貪愛
當速捨離憍高慢
又世所共同尊長
當速捨離憍高慢
近妙菩提諸菩薩
應生堅固愛敬心
皆具重慢慢增長
當以無上智金剛

於世念念將消滅
故以不堅易堅命
墮在慢山深險處
經不思議百劫海
又無願戀壽命心
於尊重師深敬奉
所謂父母諸兄等
第一遵崇極恭仰
與我同奉菩提行
當樂供養專承事
不知調御斷慢法
令憍慢山永摧碎

菩提妙行圓成已
摧伏鬪諍魔軍衆
十方所有諸患人
於彼興發慈悲意
安住大施波羅蜜
具足修成於忍行
得具淨慮波羅蜜
安住大慧善方便
增長盛福力如是
若得第一自在智

舍利子諸菩薩摩訶薩行尸羅波羅蜜多時
發如是第六心已爲欲勤求大菩薩藏微妙

安止最勝菩提座
當度四流群生等
卧白糞中爲衆猷
爲作拔濟所歸趣
於佛德能防護
發起正勤令現前
此時調伏心令住
當爲一切尊福田
不可思議善智慧
乃至應時奉水盃

法門故於說法師倍復承事勤加供養乃至
施及貯水之器復次舍利子菩薩摩訶薩行
尸羅波羅蜜多時發如是心我於長夜遠離
善友惡友拘執懈怠懶惰下劣精進無智愚
癡由是惡見如是信忍如是欲樂妄生是念
謂無黑業無黑業報無有白業無白業報無
黑白業無黑白報無非黑白業無非黑白報
又不請問沙門婆羅門何者為善何者不善
何者有罪何者無罪何者應修何者不應修
何者應作何者不應作又不請問修何等行
於長夜中能感無義無利及諸苦惱又作何
行於長夜中能感有義有利及諸安樂菩薩

摩訶薩作如是念我於往昔由於此慢及以
勝慢所障蔽故而能多造不善惡業以此業
報感得人身諸根缺減於勝福田未養慧命
雖處人中等作覆器童蒙嬉戲愚瞶聾盲於
善惡義無力無能了達宣暢又作是念我昔
未遇是勝福田故造諸惡我今值遇又復善
感具諸根身我當依諸福田增長慧命又應
不顧身命求諸力能了達善說惡說之義又
當請問於說法師何者為善何者不善何者
有罪何者無罪何者應修何者不應修何者
應作何者不應作何等行今彼聲聞及獨
覺法而現在前作何等行今諸佛法及菩薩

法而現在前舍利子菩薩摩訶薩爲欲勤求
菩薩藏故依尸羅波羅蜜多行菩薩行以不
堅身易於堅身於說法師承事供養乃至施
及貯水之器舍利子是名菩薩摩訶薩第七
發心尅時世尊欲重宣此義而說頌曰
於咎過去多百劫
未曾請問善不善
由增上慢自在力
習近惡念爲同侶
或習人趣多千劫
不知何善何不善
我獲人道猛健身

遠離益我親善友
有罪無罪諸業果
墮於地獄鬼趣中
經多百劫墜惡道
輪迴受身根不具
有罪無罪作業果
具足諸根處清淨

遠離諸難得無難
值世作明燈照者
時我請問世間尊
云何具慳墮諸趣
云何貪諂汙尸羅
云何忿恚憤亂人
云何懈怠散亂心
云何惡慧癡愚癡
云何專意行菩提
云何流慈徧世間
云何樂法無厭心
云何往詣十方刹

如龜引頸遇浮孔
聞說離欲諸聖教
善與不善等業果
云何無慳為施主
云何戒財全守護
云何無忿忍辱力
云何精勤樂靜慮
云何有慧樂真實
具足尋求賢聖行
云何拔濟諸惡趣
能求菩提諸行藏
現任諸佛世尊前

云何致敬修功業

云何請問普賢行

我今正應勤請問

法師尊重等尊重

云何於師樂敬養

云何令師意歡悅

佛子已生如是心

能集廣大妙福力

及勝自在智慧力

歡喜奉施至水器

舍利子諸菩薩摩訶薩行尸羅波羅蜜多時

發如是第七心已為欲勤求大菩薩藏微妙

法門故於說法師倍復奉事勤加供養乃至

施及貯水之器復次舍利子菩薩摩訶薩行

尸羅波羅蜜多時發如是心我於長夜遠離

善友惡友拘執懈怠懶惰下劣精進癡鈍無

識猶如癡羊捨離一切正義相應文句正法

相應文句寂靜相應文句滅止相應文句正
覺相應文句諸沙門婆羅門般涅槃等相應
文句捨離如是諸文句已反更受持讀誦思
尋究達一切非義相應文句非法相應文句
乃至非涅槃等相應文句由如是故妄興是
見謂無有力無有精進無丈夫果無勢無勇
無行無威或俱生念無有行威又生是念無
因無緣可令有情而生染汙不由因緣有情
雜染又生是念無因無緣可令有情而得清
淨不由因緣有情清淨菩薩摩訶薩又作是
念我於長夜由依如是不平等因無因見故
多造種種惡不善業由此業報我於往昔在

人趣身諸相不具於諸福田未長慧命雖處
人中等於覆器童蒙嬉戲愚蠢龍盲無力無
能受持讀誦思惟究達正義相應文句乃至
涅槃相應文句又作是念我昔未遇是勝福
田故生妄見我今值遇乃至不願身命為求
力能當於正義相應文句正法相應文句寂
靜相應文句乃至涅槃相應文句如是等正
法文句皆是大菩薩藏微妙法門之所攝者
我今受持讀誦思惟究竟必當發起最上正
勤盡命承事於說法師我今依尸羅波羅蜜
多行菩薩行為欲於此菩薩藏法能受能持
能讀能誦修行供養故又作是念我當以不

堅身易於堅身當善造集若福若智二種資糧由是二力常恒親近菩薩藏法菩薩摩訶薩如是思已於說法師承事供養乃至施及貯水之器舍利子是名菩薩摩訶薩第八發心今時世尊欲重宣此義而說頌曰

若法真實義相應
為於寂滅而作證
我皆遠離如是法
非法非義非寂靜
無有精進亦無力
撥無諸行無勇猛
無有諸佛亦無法

隨順修習道支道
而能流通涅槃路
反更流習於諸惡
乃至涅槃不相應
無丈夫果無威勢
一切盡空無所得
及無世間之父母

無有黑法與白法
於如是等諸惡見
由斯墮於地獄中
如是轉受傍生趣
或時得生人趣中
童蒙嬉戲與盲聾

從是復墮於地獄
我從久遠無量劫
已遇諸根皆具足
諸法真實義相應
趣菩提道與菩提
諸大菩薩秘奧藏

若果若報悉皆無
無始世來恒習行
純受極苦久難出
及墮焰魔惡世間
愚駭無智而瘖瘂
闇鈍頑喑無智識

受諸重苦增愚暗
未曾得是清淨身
是時宜速加精進
能為寂靜之助伴
我宜及時求法是
甚深真實義相應

經彼百千俱胝劫
如是及餘諸佛法
我當精勤受已持
又當正勤起恭敬
所謂諸佛諸菩薩
諸無所畏大菩薩
智慧方便善成就

若得聞者為希有
無量無數不思議
為證諸佛菩提故
承事供養說法師
當於彼國無上法
發起如是勇猛心
乃至施及貯水器

舍利子諸菩薩摩訶薩行尸羅波羅蜜多時
發起如是第八心已為欲勤求大菩薩藏微
妙法門故於說法師倍增承事勤加供養乃
至施及貯水之器復次舍利子菩薩摩訶薩
行尸羅波羅蜜多時發起如是心一切眾生為

無義行之所拘執願戀身命者無義行不能
勵意專修義利舍利子云何名爲著無義行
謂於身命有所願戀於覺分法情無希望計
我我所以爲前導恒於其身防衛覆障沐浴
調治莊飾寶護是則名爲著無義行舍利子
復有著無義行謂於身命有所願戀於覺分
法情無希望計我我所以爲前導而於妻妾
男女兄弟朋友眷屬親戚防衛覆障乃至一
切諸受用具寶玩執著是則名爲著無義行
舍利子復有著無義行謂於身命有所願戀
於覺分法情無希望計我我所以爲前導而
於奴婢僮僕防衛驅役桎梏守護是則名爲

者無義行舍利子云何名爲專修義利謂於
身命無所願戀於覺分法有所希望妙菩提
心以爲前導專修勝善身業意業及以語業
是則名爲專修義利舍利子復有專修義利
謂於身命無所願戀於覺分法有所希望妙
菩提心以爲前導專修引發陀那波羅蜜多
乃至般若波羅蜜多是則名爲專修義利舍
利子復有專修義利謂於身命無所願戀於
覺分法有所希望妙菩提心以爲前導而專
修行布施愛語利益同事攝化一切諸衆生
故是則名爲專修義利舍利子復有專修義
利謂於身命無所願戀於覺分法有所希望

妙菩提心以為前導專修念處正斷神足根
力覺分如是道支是則名為專修義利舍利
子復有專修義利謂於身命無所顧戀於覺
分法有所希望妙菩提心以為前導而於父
母及諸師長專修供養恭敬禮拜曲躬合掌
謙下問訊迎逆給事并和順業是則名為專
修義利舍利子復有專修義利謂於身命無
所顧戀於覺分法有所希望妙菩提心以為
前導於三寶所隨順法教專修敬事舍利子
菩薩摩訶薩作如是念一切衆生專著無義
為無義行之所拘執顧戀身命放逸懈怠而
我今者專修義行為有義之所守護我當

勤加精進以身供事諸說法師以不堅身易
於堅身當修福智二力資糧以修福智力資
糧故當近無上微妙菩提舍利子菩薩摩訶
薩依尸羅波羅蜜多行菩薩行為求如是菩
薩藏故承事供養諸說法師乃至施及貯水
之器舍利子是為菩薩摩訶薩第九發心小

時世尊欲重宣此義而說頌曰

諸愚癡凡夫

常顧於身命

不願求菩提

起雜染三業

常為利自身

及妻子眷屬

寶玩於無義

是名癡凡夫

驅役奴僕等

多畜養四足

實著於無義

是名無智者

貯積多財穀

不施不食用

實著於無義

名守藏愚夫

諸愚癡凡夫

專實著無義

具妙慧菩薩

精求諸義利

不顧於身命

欣樂助菩薩

起種種善業

是名專義利

方便善修習

施戒忍正勤

靜慮與妙慧

是名專義利

供養於父母

給侍諸師長

深敬奉三寶

是名專義利

於攝一切法

諸菩薩妙藏

誦持及開闡

是名專義利

如是專義利

諸佛之所讚

精進善相應

是勝無畏子

發如是念已

以清淨信心

敬養尊重師

乃至奉水器

舍利子諸菩薩摩訶薩行尸羅波羅蜜多時

發起如是第九心已為欲勤求大菩薩藏故

於說法師倍復承事勤加供養乃至施及貯
水之器復次舍利子菩薩摩訶薩行尸羅波
羅蜜多時發如是心世間衆生邪僻自在反
執師教無所剋獲不獲何等所謂聖財云何
聖財謂信戒聞慙愧捨慧如是等法是謂聖
財彼諸衆生不獲此故名極貧窮菩薩摩訶
薩又作是念我今應修妙善自在於師教誨
隨順敬受所以者何菩薩摩訶薩由妙自在
於師教誨隨順敬受有所證得何所證得所
謂聖財何等名為菩薩聖財謂菩薩藏法門
差別了知菩薩妙善自在即說法師妙善自
在於菩薩藏法門差別廣爲衆生宣暢敷演

辯了建立開闡分別顯示流布菩薩摩訶薩
安住如是菩薩藏已獲聖法財永斷貧窮速
疾證於阿耨多羅三藐三菩提舍利子菩薩
摩訶薩依尸羅波羅蜜多行菩薩行發是心
已妙善自在在於師教誨隨順敬受復作是念
我當以不堅身貿易堅身為欲勤求菩薩藏
故承事供養於說法師乃至施及貯水之器
舍利子是名菩薩摩訶薩第十發心今時世
尊欲重宣此義而說頌曰
世間下劣諸衆生
顛倒僻執不如理
深知是已順師誨
專惡自在違師教
便能分別廣敷演
諛諂幻惑多姦偽

由斯獲得仙聖財
如是七財無盡藏
世間多有善眾生
無諂美言來請問
常發勇猛勤精進
為證諸佛妙菩提
知彼堪任正法器
道師發起大慈悲
諸大菩薩妙法藏
又於其中廣開示
一切諸法為空相
無有壽命無變異

信戒捨聞慙愧慧
知非器者勿開顯
堪為諸佛淨法器
妙善自在而閑雅
恭敬正法樂當聞
不顧所愛之身命
復能受持深妙理
為說無雜真法界
依彼建立勝菩提
諸佛堅固聖財寶
亦無相相無我相
無諸戲論無受藏

一切諸法之自性
曾無初起無終滅
若善自在柔和者
自然最勝為開示
淨信尸羅與慚愧
為彼分別廣敷顯

佛子和柔妙自在
我當承事說法師
菩薩適發是心已
乃至經營淨瓦器

舍利子諸菩薩摩訶薩行尸羅波羅蜜多時
發起如是第十心已為欲勤求大菩薩藏故

不從緣生亦無相
無相真如之所顯
於師教誨無倒執
本境所學解脫門
正聞捨施般羅若
無盡七財之法藏

隨順善友所誨言
為證無上菩提故
於渴乏者生悲愛
盛滿清水隨時施

於說法師倍增承事勤加供養乃至施及貯
水之器

大寶積經卷第四十二

鳥

頗脰

實上普何反

亦云下

玻瓈反

鄔波陀耶

反上

徒古

利耶

此云親教阿遮

範師

癰癩

反上

反上

息徐

淺癘

疾音例

淡陰

作上

瘰癧反

於禁反

正患惚

字惱

賀

莫候反

濯

蜀音

陶師

瓦音

埴

詩然反

洗

疑

魚陵反

照灼

函

拋末

二音

坏

疋回反

祀

祭音似

撥

上音捶打

之器未燒也

搗

打也

駝

亦二字音託

陀

草亦作葛

楚俱反

呵喝

下許反

馱負

上唐反

循環

音二字

還鑊

胡郭反

劉七

音反

膾

古會反

細

惡也

鋸解

刀上音據

堅鞭

更下吾反

壓柞

音上音責

危脆

歲下取反

踐

音賤

鞭杖

綿上必反

柳

意力反也

睡中魚計反

也

愚戇

降反竹

頸

居領反

柳

憤亂

反

反也

心煩

也

愚駮

下語解

也

頑

下

親戚

曆下倉反

寶玩

貫下愚反

桎梏

上音

與前

古

演下昌

邪僻

反


亦

偽

開上反

古

程云捨



猪飼順良寄附

